

BASES QUE REXERÁN A SELECCIÓN PARA A CONCESIÓN DE UNHA BOLSA DE COLABORACIÓN COA FEUGA PARA A REALIZACIÓN DE TAREFAS DE INFORMACIÓN E ATENCIÓN TURÍSTICA NO PUNTO DE INFORMACIÓN TURÍSTICA DO MOSTEIRO DE CARBOEIRO.

A/ OBXECTO E CARACTERÍSTICAS

1ª.- O obxecto da convocatoria é a concesión de **BOLSA DE COLABORACIÓN COA FEUGA PARA A REALIZACIÓN DE UN PROGRAMA DE FORMACIÓN PRÁCTICA EN TAREFAS DE INFORMACIÓN E ATENCIÓN TURÍSTICA NO PUNTO DE INFORMACIÓN TURÍSTICA DO MOSTEIRO DE CARBOEIRO**, para realizar os labores propios dunha Oficina de atención e promoción turística no Concello de Silleda.

2ª.- O/a adxudicatario/a da mesma será destinado/a á Concellaría de Turismo do Concello de Silleda e as súas actividades desenvolveranse en horario a determinar por este Concello, segundo as necesidades do devandito servizo, e consistirá en propoñer aos turistas e viaxeiros que o soliciten, información turística no referente ao aloxamento, transporte, gastronomía, e demais materias propias dunha Oficina de Información Turística e atención do punto de información turística no Mosteiro de Carboeiro, amais de realizar os labores de guía no antedito Mosteiro.

3ª.- A condición de bolseiro/a en virtude da convocatoria non xerará ningún tipo de relación de carácter laboral, funcional ou contractual co Concello de Silleda, nin implicará en consecuencia ningún compromiso para un posterior vencellamento ou incorporación de dito bolseiro/a no Concello de Silleda, mais quedarán incluídos no Réxime Xeral da Seguridade Social, de acordo co previsto no RD 1493/2011 DE 24 DE OUTUBRO, polo que se regulan os termos e as condicións de inclusión no Réxime Xeral da Seguridade Social das persoas que participen en programas de formación en desenvolvemento do previsto na disposición adicional terceira, adecuación e modernización do sistema da Seguridade Social.

4ª.- Os/as titulares das bolsas serán única e exclusivamente beneficiarios dunha subvención para a obtención da debida formación profesional, sen que exista relación de servizos profesionais co Concello de Silleda

5ª.-O/a bolseiro/a terá a obriga de aceptar por escrito as normas e obrigas establecidas nestas bases.

6ª.- O bolseiro/a xustificará documentalmente o cumprimento de tódolos requisitos establecidos nas bases da convocatoria.

7ª.- As bolsas de formación terán unha duración de 6 meses con posibilidade de prórroga de ata 12 meses.

B/ REQUISITOS XERAIS DOS CANDIDATOS:

Os aspirantes terán que estar en posesión dos seguintes requisitos:

- 1.-Deberá ser membro dun país da Unión Europea e residente en no estado español.
- 2.-Posuír capacidade funcional para o desempeño das tarefas.
- 3.-Ser maior de 16 anos, e non exceder da idade máxima de xubilación forzosa.
- 4.-Non ter sido separado mediante expediente disciplinario do servizo a calquera das administracións públicas, órganos constitucionais ou estatutarios das CCAA, nin atoparse inhabilitado para o exercicio de función pública de conformidade co disposto no art. 56.1 da lei 7/2007.
- 5.-Estar en posesión do **Título de Diplomado en Turismo, Graduado en Turismo** ou do de **Técnico Superior en Información e Comercialización Turística; en Axencias de Viaxes e Xestión de Eventos; en Guía e Información e Asistencia Turísticas** ou en **Xestión de Aloxamentos Turísticos**.

C/ REQUISITOS DOS CANDIDATOS DO PROGRAMA DE BOLSAS DE FORMACIÓN DA FEUGA PARA UNIVERSITARIOS

- 1ª.- Ser diplomado, licenciado, doutorado universitario ou estar matriculado nun Máster oficial ou ostentar titulación equivalente. No caso das titulacións nas que para a obtención do título sexa necesaria a presentación do proxecto fin de carreira, será suficiente ter aprobadas todas as materias desta.
- 2ª.- Estar inscrito no Servizo Público de Emprego de Galiza e facer constar nos seus datos que desexa optar a unha bolsa de formación de FEUGA.
- 3ª.- Ter cursado estudos nunha das tres universidades da nosa Comunidade Autónoma.

Se o título pertencese a outras Universidades, poderase acceder ao PBF se está doutorado ou matriculado nun Máster Oficial dunha das tres Universidades da Comunidade Autónoma. Así mesmo poderán acceder ao PBF:
 - a.-Os fillos de emigrantes galegos retornados, independentemente de onde obtivesen a súa titulación, se esta foi validada.
 - b.-Os titulados doutras Universidades españolas, se a titulación solicitada non se impartise nas tres Universidades de Galiza.
- 4º.- Ser menor de 31 anos.
- 5ª.- Ter finalizado os estudos nos tres últimos anos.

6ª.- Non ter gozado doutra bolsa de FEUGA por un período de máis de 10 meses.

7ª.- No caso de ter gozado doutra bolsa de FEUGA por un período de 10 meses ou menos, deberá ter cumprimentar o cuestionario de avaliación correspondente á bolsa gozada. O período máximo computado do total bolsas non poderá exceder de 24 meses.

8ª.-Non ter desempeñado en ningún momento traballo profesional remunerado relacionado coa súa titulación, baixo ningunha modalidade de contratación a cuxo efecto haberán de achegar o correspondente Certificado de Vida Laboral.

9ª.-Non ter relación de parentesco dentro do primeiro grao de consanguinidade (pais - fillos) con ningún membro da propiedade e/ou dirección da empresa ou entidade na que se desenvolverá o programa de formación.

10ª.-Cumprir os requisitos adicionais que a empresa ou entidade colaboradora onde se desenvolverá o programa de formación puidese establecer, tales como idiomas, coñecementos de informática, etc. e que fosen necesarios para o axeitado aproveitamento do programa de formación.

11ª.-Non ter renunciado a algún programa de formación outorgado por FEUGA durante o período de formación

D/REQUISITOS DOS CANDIDATOS DO PROGRAMA DE BOLSAS DE FORMACIÓN DA FEUGA PARA TÉCNICOS EN FORMACIÓN PROFESIONAL

Os que desexen optar a algunha das bolsas do PBFP, deberán cumprir as seguintes condicións:

1ª.-Ser titulado de grao medio ou superior de ensinanzas de formación profesional.

2ª.-Estar inscrito no Servizo Público de Emprego de Galiza, e facer constar nos seus datos que desexa optar a unha bolsa de formación de FEUGA.

3ª.- Ter cursado estudos nun centro público da nosa Comunidade Autónoma. Así mesmo poderán acceder ao PBFP:

a.-Os fillos de emigrantes galegos retornados, independentemente de onde obtivesen a súa titulación, se esta foi validada.

b.- Os titulados doutras centros españois, se a titulación solicitada non se impartise na Comunidade Autónoma.

4ª.-Ser menor de 30 anos.

5ª.-Ter finalizado os estudos nos tres últimos anos.

6ª.-Non ter gozado doutra bolsa de FEUGA por un período de máis de 10 meses

7ª.-No caso de ter gozado doutra bolsa de FEUGA por un período de 10 meses ou menos, deberá ter cumprimentar o cuestionario de avaliación correspondente á bolsa gozada. O período máximo computado do total bolsas non poderá exceder de 24 meses.

8ª.-Non ter desempeñado en ningún momento traballo profesional remunerado relacionado coa súa titulación, baixo ningunha modalidade de contratación a cuxo efecto haberán de achegar o correspondente Certificado de Vida Laboral.

9ª.-Non ter relación de parentesco dentro do primeiro grao de consanguinidade (pais - fillos) con ningún membro da propiedade e/ou dirección da empresa ou entidade na que se desenvolverá o programa de formación.

10ª.-Cumprir os requisitos adicionais que a empresa ou entidade colaboradora onde se desenvolverá o programa de formación puidese establecer, tales como idiomas, coñecementos de informática, etc. e que fosen necesarios para o axeitado aproveitamento do programa de formación.

11ª.-Non ter renunciado a algún programa de formación outorgado por FEUGA durante o período de formación.

E/ ASIGNACIÓNS ECONÓMICAS DAS BOLSAS

Segundo o establecido polo programa de bolsas da FEUGA, estes son os beneficios:

a.- Acceder ao Réxime Xeral da Seguridade Social e a súa acción protectora, segundo o establecido no R.D. 1493/2011, de 24 de outubro, polo que se regulan os termos e as condicións de inclusión na Réxime Xeral da Seguridade Social das persoas que participen en programas de formación.

b.-Un seguro de accidentes, que será subscrito pola FEUGA ao seu favor.

c.- A percibir unha dotación polo período formativo integrada por:

1.- No caso dos universitarios:

Unha asignación económica mínima de **600,00** euros brutos por cada mes (xornada completa) na que se desenvolva de forma efectiva a formación práctica en que consiste a bolsa, ou a cantidade económica proporcional que corresponda, en función da data de incorporación e remate da mesma.

2.- No caso de técnicos de formación profesional:

Unha asignación económica mínima de 500,00 euros brutos por cada mes (xornada completa) na que se desenvolva de forma efectiva a formación práctica en que consiste a bolsa, ou a cantidade económica proporcional que corresponda, en función da data de incorporación e remate da mesma

O/a bolseiro/a presentará ao Concello de Silleda, antes da finalización da bolsa, unha memoria explicativa das actividades realizadas na Oficina de Información Turística do Concello de Silleda, na que se recolla unha referencia aos traballos realizados, unha valoración dos recursos turísticos ofertados, demandas dos turistas, deficiencias dos servizos e propostas de accións de mellora da oferta turística, quedando supeditado o aboamento da última mensuralidade á presentación da mesma. Así mesmo os/as bolseiros/as estarán obrigados/as a facilitar tanta información lles sexa requirida pola Administración en relación á actividade realizada.

F/ PROCEDIMIENTO DE SELECCIÓN

A selección realizarase tendo en conta a necesaria cumprimentación dos principios constitucionais de igualdade, mérito, capacidade, publicidade e concorrencia, promovendo a selección entre os candidatos que cumpran as condicións esixidas na presente convocatoria.

A FEUGA fará a selección nas oficinas de emprego de Galiza en entre aqueles aspirantes que cumpran os requisitos de demandantes de Bolsa e de emprego con estas características.

5ª.- Toda a documentación entregada pola FEUGA será avaliada.

6ª.- Selección dos Bolseiros:

A selección realizarase por un Comité de Selección, formado por tres membros. A selección terá dúas fases:

1ª Fase: Valoración de méritos segundo o seguinte baremo: (ata un máximo de 10 puntos)

Esta fase suporá o corenta por cento da puntuación total do proceso de selección.

A/ Expediente académico: Neste apartado valorarase a nota media obtida para a obtención do título correspondente, ata un máximo de 4 puntos, segundo a calificación sexa de aprobado, notable, sobresaliente ou matrícula de honra.

B/ Por ter asistido a cursos de Formación e Perfeccionamento impartidos en Centros Oficiais, Universidades, Colexios Oficiais ou Escolas de Administración Pública relacionadas coas materias obxecto desta convocatoria (ata un máximo de 2,5 puntos), de conformidade co seguinte baremo:

- Máster ou Postgrado (relacionado co sector turístico) 1 punto.
- Cursos con duración por Horas:

100 ou máis horas	0,25 puntos.
De 60 a 99 horas	0,20 puntos.
De 30 a 59 horas	0,20 puntos.
De 10 a 29 horas	0,20 puntos.
9 ou menos horas	0,20 puntos.

- Cursos con duración por Créditos:

10 ou máis créditos	0,25 puntos.
De 6 a 9 créditos	0,20 puntos.
De 3 a 5 créditos	0,15 puntos.
De 1 a 3 créditos	0,10 puntos.

No suposto de que non se acredite a duración dos cursos serán valorados a razón de 0,05 puntos.

C/ Coñecemento de idiomas estranxeiros: (puntuación máxima de 2,50 puntos) e serán computables un máximo de dous idiomas, a razón de un máximo de 1,25 puntos cada idioma.

No caso de que os cursos de idiomas sexan valorados polo número de horas, aplicarase o baremo dos cursos.

No caso de que os cursos de idiomas sexan dunha Escola de Idiomas o baremo será o seguinte:

- * Nivel máximo: 0,75 puntos.
- * Nivel medio: 1 punto.
- * Nivel avanzado: 1,25 puntos.

D/ Coñecemento acreditado do idioma galego; ata un máximo de 1 punto (no caso de ter varios cursos terase en conta só o de maior puntuación):

- * Curso de Iniciación ou Celga 3 0,5 puntos.
- * Curso de Perfeccionamento ou Celga 4 1 punto.

2ª Fase: Realización dunha proba oral que versará sobre coñecementos xerais relacionados coas funcións a desenvolver no posto de información turística no Concello de Silleda e a súa contorna, coñecementos xerais sobre turismo de Galiza e demostración do dominio da lingua galega.

Esta proba puntuarase entre 0 e 6 puntos. Sendo eliminados os aspirantes que non acaden un mínimo de tres puntos. (Esta fase suporá un sesenta por cento da puntuación total do proceso de selección).

O Comité de Selección estará constituído por un Presidente, un Secretario e un vogal, e coas condicións que prescribe o artigo 60.2 da Lei 7 de abril, do Estatuto Básico do Empregado.

A selección realizarase polo Comité de Selección, convocándose os aspirantes que presenten solicitude de participación, nas dependencias da Casa Consistorial.

Rematado o proceso de selección, publicarase no Taboleiro de Edictos do Concello a relación co resultado da selección. Propoñendo aos aspirantes adxudicatarios/as das bolsas a favor das persoas que, unha vez aplicado o baremo de méritos e realizada a proba obteñan a maior puntuación. O Concelleiro de Turismo, a vista da proposta formulada polo Comité de Selección, resolverá a adxudicación das bolsas.

No caso de que se produza a renuncia por parte dalgunha persoa que resulte adxudicataria das bolsas, o Concelleiro de Turismo procederá ao nomeamento do seguinte aspirante que obtivese maior puntuación, polo tempo que reste ata a finalización do período de duración da bolsa, reducíndose proporcionalmente a contía da bolsa, procedéndose do mesmo xeito en renuncias consecutivas.

Silleda a 3 de abril de dous mil catorce.

O ALCALDE-PRESIDENTE

Asdo. Manuel Cuña Fernández

